

1958 - A

91/1



معارف وکالتی

تبلیغات مجموعه‌سی

تاریخ
۱۵ تشرین اول ۱۹۲۶

صافی
۹

مندرجات

تعلیمات نامدر
اجرا و کیملری هیئتی قرارلری
تعیینلر
تعمیملر
انجمنه قرارلری

معارف وکالتی نامنه ملی تعلیم و تربیه هیئتی نشریات شعبه سنججه ترتیب و نشر اولونمیشدر .

استانبول — ملی مطبعه

۱۹۲۷

تعلیمات عامہ لکھنؤ

تورکيه جمهوريتي

باش وکالت

قلم مخصوص مديریتی

عدد

۶

۳۵۰۷

۵ اغستوس ۱۹۲۶

معارف وکالتنه

معارف شوراسی حقننده تنظيم و توديع اولونان تعليماتنامه نك سرعته وضعنه دائر اجرا وکیللری هیئت نك ۱۸ تموز ۹۲۶ تاریخی اجتماعنده متخذ قرار اوزرینه تنظيم ایدلمش اولان قرارنامه ایله مربوطلی تعلیماتنامه نك مصدق صورتلری تقدیم اولونمشدور افندم .

باش وکیل

عصمت

تورکيه جمهوريتي

باش وکالت

قلم مخصوص مديریتی

عدد

۳۷۹۵

۱۸ تموز ۱۹۲۶

قرارنامه صورتی

معارف شوراسی حقننده تنظيم و توديع ایدلمش اولان مربوط تعلیماتنامه نك سرعته وضعی ، معارف وکالت نك ۱۹ یسان ۹۲۶ تاریخ و ۱۸ نومرولو تذکره سیله وقوعبولان تکلیفی اوزرینه ، اجرا وکیللری هیئت نك ۱۸ تموز ۹۲۶ تاریخی اجتماعنده تصویب و قبول اولونمشدور .

رئیس جمهور

غازی مصطفی کمال

داخلیه وکیل بحریه وکیل مدافعه ملیه وکیل عدلیه وکالتی وکیل باش وکیل

عصمت

رجب

رجب

امساره بك افندی

جمیل

امشاده بولونمادی

خارجیه وکیل

مالیه وکیل

معارف وکیل

نافعه وکالتی وکیل

درقنور نرفیق رشیدی

مصطفی عبدالخالق بك افندی

مصطفی بجائی

مصطفی بجائی

امشاده بولونمادی

زراعت وکالتی وکیل

تجارت وکیل

صحبیه و معاونت اجتماعیه وکالتی وکیل

مصطفی رمی

مصطفی رمی

امساره بك افندی

امشاده بولونمادی

معارف شوراسی حقنده تعلیماتنامه

ماده : ۱ - معارف شوراسی آتیده صاییلان ذاتلردن تشکل ایدر .

۱ - معارف مستشاری .

۲ - تعلیم و تربیه هیئت رئیسی و اعضای .

۳ - دارالفنون امینی و دارالفنونک هر فاکولته سندن فاکولته مجلسنجه سچیله جک
برر مدرس ویا معلم .

۴ - معارف وکالتنک تدریسات مدیر عمومیلری ، هیئت تفتیشیه رئیسی ، حرث
واحصائیات مدیرلری ، حفظالصحه و مکتب معمارییی متخصصی

۵ - وکالت منسوب یو کک مکتبلردن کندی معلمین مجلسلرنجه سچیله جک برر ذات .

۶ - مفتش عمومیلرک کندی آرا لرنده سچه جکلری ایکی ذات .

۷ - معارف امینلرندن معارف وکالتنجه سچیله جک ایکی ذات .

۸ - معارف مدیرلرندن وکالتنجه سچیله جک ایکی ذات .

۹ - هر لیسه نك معلم مجلسلرنجه کوستریله جک برر نامزددن وکالتنجه سچیله جک
اوج ذات .

۱۰ - هر معلم مکتبنک هیئت تعلیمییه سی میانندن کوسره جکی برر نامزددن وکالتنجه
سچیله جک اوج ذات .

۱۱ - معارف امینلرنجه کوستریله جک برر نامزد میانندن وکالتنجه سچیله جک ایکی
ایلك تدریسات مفتشی و اوج ایلك مکتب معلمی .

۱۲ - اختصاصلرندن استفاده اولونمق اوزره وکالتنجه دعوت اولونه جق بش ذات .

ماده : ۲ - معارف شوراسنک رئیسی معارف وکیلدر . هیئت کندی آراسمندن
رأی خفی ایله ایکی رئیس وکیلی انتخاب ایدر .

ماده : ۳ - معارف شوراسی ، تعلیم و تربیه دائره سنک وظیفه سی میاننده اولان
خصوصاتک بردفعه ده شوراده مذاکره سنه وکالت مقامنجه ویا تعلیم و تربیه هیئتنجه لزوم
کورولدیکی تقدیرده اجتماعه دعوت اولونور . شورا سنه ده بردفعه دن فضله اجتماع ایده مز .



— ۵ —

ماده : ۴ معارف شوراسنك روز نامه سنی تعلیم و تربیه دائره سی ترتیب ایدوب لا اقل بر آی اول اعلان ایدر .
ماده : ۵ وكالت مركز مأمورلرندن ماعدا شورایه اشتراك ایدمك ذواته وكالتجه تنسیب ایدیلهك خراجاه وحق حضور ویریلیر .
ماده : ۶ شورا روزنامه سینه داخل اولان مادهلر متخصص قومیسسونلرده مذا كره اولونور . بومسئلهلر هیئت عمومیه ده مذا كره اولونوركن قومیسسون اعضاسنك ایكی رأی وارددر .

تورکیه جمهوریتی

باش وكالت

قلم مخصوص مدیریتی

عدد

۶

۳۴۷۵

۱۹۲۶/۹/۴

معارف وكالتنه

۱۹ اغستوس ۹۲۶ تاریخ و ۱۲۲۲/۱ نومرولو تذكیره جواپیدر .
مكتب كتابلرینك وكالتجه طبع ایتدیلمسی حقنده تنظیم وتودیغ اولونان تعلیماتنامه نك مرعیه وضعنه دائر اجرا وكیللری هیئت نك ۲۲ اغستوس ۹۲۶ تاریخلی اجتماعنده متخذ قرار اوزرینه تنظیم ایدلمش اولان قرارنامه ایله مربوطلی تعلیماتنامه نك مصدق صورتلری تقدیم اولونمشدر اقدام .
معارف وكالتنه معلومات حصولی ایچون مالیه وكالتی ایله دیوان محاسبات ریاستنه یازلمشدر .
باش وكیل

عصمت

تورکیه جمهوریتی

باش وكالت

قلم مخصوص مدیریتی

عدد

۴۰۱۹

۲۲ اغستوس ۱۹۲۶

مكتب كتابلرینك معارف وكالتجه طبع ایتدیلمسی حقنده کی قانونك صورت تطبیقنه دائر تنظیم

وتوديع ايدلمش اولان مربوط تعليماتنامه نك مرعيته وضعي، معارف وكالتنك ۹ اغستوس ۱۹۲۶ تاريخ و ۱۲۲۲ نومرولونذ كره سيله وقوعبولان تكليف اوزرينه، اجراوكيلاري هيتنك ۲۲ اغستوس ۱۹۲۶ تاريخي اجتماعنده قبول وتصويب اولونمشدر .

رئيس جمهور

غازي مصطفى كمال

داخله وكيلي	بحريه وكيلي	مدافعة مليه وكيلي	عدليه وكيلي	باش وكيل
م . جميل	احسان بك افندي	رجب	محمود اسعد	عصمت

امضاده بولونمادي

زراعت وكيلي	نافعه وكيلي	معارف وكيلي	ماليه وكيلي	خارجيه وكيلي
محمد صبري	لاج	مصطفى بجالي	مصطفى عبدالخالق	نوفيس رشدي بك افندي

امضاده بولونمادي

صحه و معاونت اجتماعيه وكيلي	تجارت وكيلي
درقنور رفيع	مصطفى رسمي

مكتب كتابلرينك معارف وكالتنده طبعي حقنده كي قانونك

صور تطبيقه سني ميين تعليماتنامه

۱ — ۱۹۲۶ — سني بودجه سنده مكتب كتابلري ايجون تخصيص اولونان متداول سرمايه ايله هانكي كتابلرك باصتيلاجني تعليم وتربيه دائره سي قراريله تعيين و مطبعه يه يازيلاجقدر .

۲ — طبع ايديلن مكتب كتابلري ، ماليت فياتنه يوزده اون ضم اولونهرق هر محلدن واقع اولاجق طلب اوزرينه مكتب ومعارف اداره لرينه توزيع ايديلهرك صاندير يلاجقدر . مكتب كتابلريني صاتمق اوزره ظهور ايدجك طالبلره كتاب بدللريني يشين ويرمك شرطيله يوزده اون ضمن يوزده بش بيعيه ويريلهرك بونلر واسطه سيله ده صاندير يلايلير .

۳ — صايبلان كتاب بدللري معارف ومكتب اداره لرندن هر آي نهايتندم منتظماً مطبعه مديرتي واسطه سيله مطبعه مليه محاسب مسئوللكنه كوندريله جقدر .

۴ - محاسب مسئولکجه، مکتب کتاب بدلی اولارق ورود ایدمک مبالغ واردات دفترنده - صاتیلاجق اموال بدلی - نامنده کی فصلده علاوه آجیلاجق برستون مخصوصه قید ایدمکه برابر یکون خانه سنده یازیلاجق و هرایکی آیده بر کتاب بدلی اولارق تحصیل ایدیلن مبالغک مقبوض تاریخ و نومرولری درج ایدمک صورتیه ایکی نسخه اولارق بر جدول تنظیم و زیری تصدیق ایدیلرک تخصیصانه علاوه و مقابله حواله نامه تنظیم و ارسال ایدمک اوزره محاسب مسئولکجه وکالت محاسبه مدیریتنه کوندریله حکدر .

۵ - محاسب مسئولکدن هرایکی آیده بر کوندریله جک جدولر اوزرینه تحصیلات مقداری محاسبه مدیرلکجه مکتب کتابلری تخصیصاته علاوه ایدمکه برابر اشبو مقداره مقابل محاسب مسئولک نامه حواله نامه تنظیم و محاسب مسئولکدن کوندرلمش اولان جدولردن بر نسخه سنی اشبو حواله نامه یه ربط ایدمک ویزه ایدمک اوزره دیوان محاسبانه کوندره حکدر .

۶ - سرمایه متداوله یه بوسورتله علاوه و حواله نامه یه ربط ایدلمش اولان مقدار بوبابده کی قانونک ماده مخصوصه سی موجبجه تخصیصات منضمه استحصال ایدمک اوزره هر سنه مالیه نهایتنده وکالتجه ، باش وکالت جلیله واسطه سیله بویوک ملت مجلسنه عرض و تقدیم اولونا جقدر .

..

تورکیه جمهوری

باش وکالت

قلم مخصوص مدیریت

عدد

۶

۳۶۲۸

۱۵ ایلول ۱۹۲۶

معارف وکالتنه

۲۹ آغستوس ۹۲۶ تاریخ و ۱۹۹۴ نومرولو تذکره جوابیدر :
معارف امنیلکاری وظائفی حقنده تنظیم و تودیع اولونان تعلیماتنامه نک مرعیه دائر اجرا وکیللری

هیئتک ۲۰ آغستوس ۹۲۰ تاریخلی اجتماعنده متخذ قرار اوزربنه تنظیم ایداش اولان قرار نامه ایله مربوط تعلیماتنامهک مصدق صورتلری تقدیم اولونمشدر اقدام .

باش وکیل

عصمت

تورکیه جمهوری

باش وکالت

قلم مخصوص مدیریتی

عدد

۴۰۵۶

قرار نامه صورتی

۲۲ مارت ۹۲۶ تاریخلی معارف تشکیلاتی قانونک یکرمنجی مادهسی موجبینجه تشکیل اولوان معارف امینلکاری وظائفی حقنده تنظیم وتودیع ایداش اولان مربوط تعلیماتنامهک مرعیتیه وضعی ، معارف وکالتک ۲۹ آغستوس ۹۲۶ تاریخلی و ۱۵۵۴ نومرولو تذکرهسیله وقوعبولان تشکیل اوزربنه ، اجرا وکیللری هیئتک ۲۹ آغستوس ۹۲۶ تاریخلی اجتماعنده تصویب وقبول اولونمشدر .

رئیس جمهور

۲۹ آغستوس ۹۲۶

غازی مصطفی کمال

داخلیه وکیل	بحریه وکیل	مدافعه ملیه وکیل	عدلیه وکیل	باش وکیل
م . م . جمیل	امساره	امضاده بولوننادی	محمد راسم	عصمت
خارجیه وکیل	مالیه وکیل	معارف وکیل	نافعه وکیل	
درفتور نفوس و شری	مصطفی عبداظاوا	مصطفی بحالی	برنج	
زراعت وکیل	تجارت وکیل	صحبیه و معاون اجتماعیه وکیل	درفتور رفیس	
محمد صبری	مصطفی رسمی			

معارف امینلکاری تعلیماتنامهسی

ماده ۱ - تورکیه معارف تشکیلاتی اعتباریله متعدد ولایتلردن مرکب منطقهلره

آرييشدر . منطقه لرك عدد و تشكياتى كوروله جك لزوم اوزرينه معارف وكالتنجه تبديل ايديله بيلير . منطقه لرك خريطه سيله اسامى جدولى اشبو تعليماتنامه يه مربوطدر .
 ماده ۲ - هر منطقه مركززنده معارف امينى بولونور . امينلر معارف وكالتنك مثلى ومعارف ايشلرينك منطقه لرده كى اك يوكسك مرجعيدرلر .
 ماده ۳ - معارف امينلرى معارف وكالتنك تكليفى اوزرينه تصديق على ايله تعيين اولونورلر .

وظيفه و صلاحيت

- ماده ۴ - معارف امينلرينك مستمر آاشتغال ايدده جكلرى باشليجه وظيفه لر شونلردر:
- ۱ - معارفه متعلق قانون ، نظام ، تعليماتنامه وامرلرك تمامى تطبيقى تاامين ايتمك ،
 - ۲ - منطقه لرى معارفنك انكشافنه معطوف تدبيرلر دوشونوب تطبيق ايتمك ،
 - ۳ - خلق درسخانه وكتبخانه لرى ، كيجه وچيراق مكاتبلى كى تشكياتله خلقك سويه وعرفاتى يوكسكلىك ومملكته مدنى حياته ، مى حرثه ، دموقراسى فكرلرينه قارشى مربوطىنى آرتدirmek .
 - ۴ - كنچ نسلك بدنى و صحى انكشافلىرى ايچون سپور ميدانلرى ، اويون محللارى فقير چوجوقلره يارديم كى تشكيلات وجوده كتيرمك ،
 - ۵ - مكاتبلرده تدريساتك تربيه اصوللرينه جمهوريت پرنسپلرينه موافق طرزده ياپيلماسنى تاامين ايتمك .
 - ۶ - آثار عتيقه ونفيسه نك حسن محافظه سى ايچون تدبيرلر آلاق ،
 - ۷ منطقه داخلنده كى ولايتلره عائد حرثى ، جوغرافى ، صحى ، اقتصادى معلوماتى جمع ايتمك ،
 - ۸ - منطقه داخلنده كى ولايتلرك عمومى و معارف خريطه لريله نفوسنه ، مكاتبلره مداوم و تحصيل چاغنده كى چوجوقلره عائد ايستاتىستيقلىرى تنظيم ايتدirmek ،
 - ۹ - معارف مديرلرينك مجلس عمومى لرك كشادندن بر آى اول ولايتلرينه عائد كوندره جكلرى معارف بودجه لرىنى تدقيق و ياپيلماسى لازم كلن تعديلاتى اشارتله اعاده ولزوم كورولورسه بالذات مجلس عمومى لرده اثبات وجود ايددهرك تكليفاتى مدافعه ايتمك ،

۱۰ — معارف مدیرلری طرفندن کوندریله جک انشا آت و تعمیرات پلانلریخی تدقیق و معارف و کانتنجه تثبیت ایدیلن تربیوی، صحی شرائطی حائر ایسه تصدیق ایتمک، [اداره خصوصیه بودجه لرنده امینلک معیتنده استخدام ایدیله جک معمار تخصیصاتی و یا بو خصوصه صرف ایدیلک اوزه اجرت بولونا جقدر.]

ماده ۵ — بودجه دولایسیله معارف امینلریله مجلس عمومی آراسنده اختلاف ظهور ایدهرسه معارف امینی کیفیتی اسباب موجب سیله در حال و کالته عرض ایدر.

ماده ۶ — معارف امینلری الک آرسنده بر دفعه منطقه لری داخلنده کی ولایتلرک معارف ایشلریخی واورتا تحصیل مکتبلریخی تفتیش ایتمکله مکلفدرلر.

ماده ۷ — معارف امینلری دارالفنوندن غیری یوکسک مکتبلری دوغروندن دوغرویه و دیگر وکالتلره منسوب مکتبلری وکالتدن آلا جقلری امر او زرینه تفتیش ایدر بیلرلر.

ماده ۸ — معارف امینی منطقه سی داخلنده کی اداره خصوصیه بودجه سیله اداره اولونان ایلک مکتبلر مدیر، باش معلم، و معلملریله ایلک تدریسات معارف و صحیه مفتش لریخی، امینلک معیتنده کی قلم هیئتینی، ولایتلرک معارف باش کاتب و کاتبلریخی، تخصیصاتی موازنه عمومیه دن و بریلن ایلک یاتی مکتبلرینک معلم و مأمورلریخی اجنبی و اقلیت مکتبلرینک تورکجه و تورک تاریخ و جوغرافیاسی معلملریخی، موزه و کتبخانه مأمورلریخی رأساً و یا خود معارف مدیرینک انهاسیله تعیین ایدر.

ماده ۹ — حق تعیینی معارف امینلرینه عائد اولان معارف منتسبلرینه انضباط قومیسوننک قراریه تکدیر، قطع معاش، وکالت امرینه آلق، تحویل، قدم و صنف تنزیلی، مسلکدن اخراج جزالری و بریلر.

ماده ۱۰ — معارف امینی حق تعیینی کندینه عائد اولان مدیر، معلم و یا مأمورلردن وظیفه لرنده فوق العاده موفقیت کوستره نلره رأساً و یا معارف و مکتب مدیرلرینک انهاسیله و یا خود انضباط قومیسوننک قراریه تقدیرنامه و یریله سنی و کالته تکلف ایدر.

ماده ۱۱ — معارف امینلری منطقه لری داخلنده کی معارف مأمور و معلملردن حق تعیینی کندیلرینه عائد اولمایانلره ایجابنده ایشدن ال چکدیرمک صلاحیتینی حائردرلر. آنجق کیفیتی اسباب موجب سیله یکریمی درت ساعت ظرفنده وکالته بیلدیریرلر.

ماده ۱۲ — منطقه داخلنده تأسیس و کشاد ایدیله جک خصوصی مکتبلرله لسان و صنعت

درسخانه‌لرینه عاؤد طلبلر معارف امینلری طرفندن تدقیق و علی الاصول رخصتنامه‌یه ربط اولونور. اجنبی مکتبلرینه عاؤد رخصتنامه‌لر آنجاق معارف وکالتنک امریله تجدید و تسجیل اولونابیلر .

ماده ۱۳ — معارف امینلری مکتب ویرکوسنک قانون مخصوص موجبجه تحصیل ایدیلوب ایدینه‌دیکنی تدقیق و هر آی اداره خصوصیه‌لردن تحصیلات مقدارینی مشعر جدوللری طلب ایده‌لر .

ماده ۱۴ — معارف امینلری طرفندن تعیین ایدیلن مدیر و معلملرک سجل و ترجمه حال دوسیه‌لری ولایت معارف دائره‌لرنده ایلاک تدریسات مفتشاریله امینلک ، معارف واورتا مکتب مأمورلرینک سجل و ترجمه حال دوسیه‌لری ده وکالت سجل دائره‌سنده حفظ اولونور. آنجق معارف ویا مکتب مدیری معلم ویا مأمورلره عاؤد فیشلری و ثائقه مستند اولدیغنی تصدیق ایده‌رک امینلکه کوندرمه‌که مجبوردر . انهاره فوطوغرافلی مصدق فیشلرک مربوط اولماسی لازمدر . عکس تقدیرده امین تعیین معامله‌سنی یاپماز .

ماده ۱۵ — حق تعیینلری معارف امینلرینه عاؤد اولان معلم و مأمورلردن رسمی اطبائک راپورلریله خاستالقلری ثابت اولانلره معارف امینی طرفندن مأمورین قانوننک ۸۴ نجی ماده‌سی موجبجه مأذونیت ویریلر . وکالت طرفندن تعیین اولانان مدیر و معلملره بوماده موجبجه آنجاق وکالت مأذونیت ویره‌بیلر .

ماده ۱۶ — معارف امینلری تفتیشات و تحقیقاتده مفتش عمومی صلاحیتنی حازدرلر .

انضباط قومیسونی

ماده ۱۷ — معارف تشکیلاتنه دائر قانونک ۳۱ نجی ماده‌سی موجبجه تعیینلری معارف امینلری طرفندن یاپیلان مأمور و معلملر ولایت مأمورلردن اولمایوب وکالت مأمورلریدر . بناءً علیه بومأمور و معلملر حقنده ویریه‌جک انضاطی قرارلر ولایت انضباط قومیسونلرینه ده‌کیل معارف وکیلنک بوتون معارف ایشلرنده ممثلی اولان امینک ریاستنده تشکل ایدن وکالت انضباط قومیسوننه عاؤددر .

ماده ۱۸ — انضباط قومیسوننک طبیعی اعضاسی شونلردر :

مرکز معارف مدیرلری

مرکز ارکک و قیز لیسهلری مدیرلری

مرکز ارکک وقیز معلم مکتبلی مدیرلی
مرکز ارکک وقیز اورتا مکتب مدیرلی
مرکز ایلك تدریسات مفتشلرندن معارف وکیلنك انتخاب ایدمچکی بر ذات ،
مرکز ایلك مکتبلی مدیر و معلملرندن انتخاب ایدمچکی ایکی ذات ،
ایلك مکتب مدیر و معلملرندن انتخاب اولوناچق ذاتلر معارف امیننك کوسترهچکی
سکیز نامزد ایچندن سیلیر .

معارف امینلری بولونمادیغی وقت انضباط قومیسوئلرینه مرکز معارف مدیرلی ریاست
ایدەرلر . معارف و مکتب مدیرلرینك غیوبتندیم رسماً وکیل اولان ذات وکالة انضباط
قومیسوئلنده بولونور .

شخصاً توکیل جائز ده کیلدر . لزوم کوزولدیکی تقدیرده انضباط مجلسنده منطقه معارف
مفتشلرینك ده استشاری اولارق رأی و مطالعه سی آلیر .

ماده ۱۹ — انضباط قومیسوئی حق تعینلری معارف امیننه عائد اولان معارف
منتسبلری حقنده شو قرارلری اتخاذ ایدمیلیر :

تقدیرنامه اعطاسی ، تکدیر ، قطع معاش ، وکالت امرینه آلمق ، تحویل ، قدم تنزیلی
صنف تنزیلی ، مسلکدن اخراج .

اخطار جزاسی دوغروندن دوغرویه معارف مدیرلی طرفندن ویریلیر ، سجله کچمهز .
ماده ۲۰ — انضباط قومیسوئی اعضاسنك ثلثاتی ایله اجتماع ایدر و قرارینی اکثریتله
ویریر . رأیلر مساوی اولورسه ، رئیسك بولوندیغی طرفك رأیی معتبردر .

ماده ۲۱ — انضباط قومیسوئلری قرارلری موضوع قانون و نظاملره کوره ویریرلر .
بو قرارلری امین دوغروندن دوغرویه اجرا ایدر آنجاچق تاریخ تبلیغدن اعتباراً اون کون
ظرفنده امین ویاخود علاقه دار مأمور ویا معلم طرفندن تمیز اولونا بیلیر . اون کون ظرفنده
تمیز اولونمایان قرارلر قطعیت کسب ایدر . انضباط قومیسوئلری قرارلرینك تمیز مقامی
شورای دولت اولوب تمیز ایچین وکالت واسطه سیله مراجعت ایدیلیر .

معارف امینلرینك معارف واورتا تدریسات مکتب مدیرلریله مناسبتلری

ماده ۲۲ — معارف مدیرلی معامله اعتباریله معارف امینلرینه مربوطدر . سجل ،
احصائیاته عائد معامله لر ایچون وکالتله و دیگر بالعموم خصوصاتده امینلرله مخابره ایدەرلر .

[illegible]

ماده ۳۲ - معارف امینی لیسه لر معلم مکتبیلرله اورتا مکتبیلر معلم مجلسلرینه لزوم کوردیکی وقت ریاست و بومجلسلری اجتماعه دعوت ایدمیلیر .

ماده ۳۳ - معارف امینلری منطقهلری معارفی حقنده وکالته شباط و تموز آیلرنده اولق اوزره سنهده ایکی راپور ویرمکه مکلفدرلر . راپورلر تعلق اعتباریلرله هر دایره آیری ، آیری تودیع ایدیلر جک صورتده تنظیم اولونور .

امینلرک مفتش عمومیلرله مناسبتلری

ماده ۳۴ - معارف وکیل لزوم کوردیکی وقت معارف امینلرینک معاملاتنی وکالت ارکانشدن ویا مفتش عمومیلردن هر هانکی برذاته تفتیش ایتدیرلر . امینلرک معاملاتنی آنجاق بولزوم اوزرینه تفتیش ایدیلر بیلیر .

ماده ۳۵ - معارف وکالتی معارف امینلرینک رفاقتنه لزومی قدر منطقه مفتشی ویرمیلیر . بومفتشلر امینک امر ویا تندییلرله منطقه داخلنده کی مؤسسائی تفتیش ایدرلر . منطقه مفتشلری راپورلرینی معارف امینه ویریرلر .

ماده ۳۶ - دوغروندن دوغرویه معارف وکالتنک امرنده بولونان مفتش عمومیلر وکالته تقدیم ایدمچکری راپورلرک برصورتلرینی ویا خلاصهلرینی لزوم کوردکری تقدیرده معارف امینه ویریرلر و تفتیش ایتدکری مؤسسهلرک تدریسی و تربیوی وضعیتلرندن معارف امینی خبردار ایدرلر .

معارف مجلسی

ماده ۳۷ - هر منطقه مرکزنده معارف امینک ریاستی آلتنده بر معارف مجلسی واردلر . بومجلس هر اوچ آیده بر اجتماع ایدر . معارف امینی لزوم کوردیکی وقت مجلسی معتاد خارچنده اجتماعه دعوت ایدمیلیر .

معارف مجلسنک اعضاسی شو ذاتلردر : منطقه مفتشلری ، مرکز معارف مدیری ، مرکز قیز وارکک لیسه واورتا مکتب مدیرلری ، قیز وارکک معلم مکتبیلری مدیرلری مرکز ایلک تدریسات مفتشلرندن امینک انتخاب ایدمچکی برذات ؛

ماده ۳۸ — معارف مجلسنده :

آ — مکتبلك تدریسی و تربیوی وضعیتلری و یاپیلان ایشلر حقنده مدیرلك ایضاحاتی دیکله نیر ، فکرلر درمیان اولونور .

ب — وکالتک وجهلری دائره سنده تربیه طرزلرینک توحیدی اساسلری قرارلاشدیریلیر .

ج — مکتبلك مشترک احتیاجلری ایچون منافعه وپازارلق اساسلری تثبیت اولونور .

د — سنهک منطقه معارف مجلسنک پروگرامی چیزیلیر .

معارف مجلسی لزوم کورولدیکی تقدیرده منطقه داخلنده بولونان دیگر ولایتلر معارف و مکتب مدیر و معلملریله مخابره و اونلرک رأى و مطالعهلرینی صورلر .

معارف منطقه مجلسی

ماده ۳۹ — هر سنه درسیه نهایتنده منطقه مرکزنده معارف امیننک ریاستی آلتنده بر منطقه معارف مجلسی اجتماع ایدور .

منطقه مجلسنده شو ذاتلر اعضا اوله رق بولونور . منطقه معارف مفتشلری ، منطقه معارف مدیر و مأمورلری ، لیسه ، معلم مکتبلری و اورتا مکتب مدیرلری ،

منطقه داخلنده کی ولایتلردن معارف امیننک انتخاب ایدمچکی برر ایلك تدریسات مفتشی ، اورتا تدریسات مکتبلری معلملردن منتخب برر ذات (اورتا تدریسات مکتبلری بردن فضله اولان یرلرده بوتون مکتبلر نامنه معلملر طرفندن درت ذات انتخاب اولونور .) هر ولایتدن معلملر طرفندن انتخاب ایدیله جک ایکیشر ایلك مکتب مدیر و یا معلمی ،

ماده ۴۰ — منطقه مجلسنده معارف امینی بر سنه طرفنده یاپدینی و کله جک سنه یاپه جینی ایشلر حقنده ایضاحات ویریر . مجلس اعضای بوایشلره دائر مطالعهلرینی بیلدیریرلر .

ماده ۴۱ — معارف منطقه مجلسی تعقیب ایدیله جک تدریسی و تربیوی اساسات و خلقک سویه عرفاننک یوکسلمسی ، کنجلك تربیوی ، اخلاقی تعالیسی ایچون یاپیلمسی لازم کلهن تشکیلات حقنده بیان مطالعه ایدور . معارف امینی قرارلردن اجرایی صلاحینی دائره سنده اولانلری تطبیق ایدم بیلیر . منطقه مجلسنک ضبط خلاصهلری معارف وکالتنه عرض اولونور .

ماده ۴۲ — معارف منطقه مجلسی اعضا سنك خراج اهلری محلی اداره خصوصیه لری طرفدن تأمین ایدیلیر .

ماده ۴۳ — معارف امینلری محلی اداره خصوصیه بودجه سندن امینك قلمنده استخدام ایتك اوزره لزومی قدر كاتب تخصیصاتی آله بیلیر .

ماده ۴۴ — امینك دور و نقیش و ضروری مصارفی ایچون لزومی اولان حرج راه تخصیصاتی حواله لری هر سنه مالیه ابتدا سنده منطقه مرکز لری دفتر دارلقارینه كونده ریایر .

ماده ۴۵ — دیگر تعلیمات نامه لك بو تعلیمات نامه یه اویتایان ماده لری ملغادر .

ماده ۴۶ — ایشبو تعلیمات نامه تبلیغی تاریخندن معتبردر .

امینك منطقه لری

آنقره منطقه سی : آنقره، چاك قیری، قسطمونی، چوروم، بوزاق، قیر شهر و لایتلری

استانبول منطقه سی : اسنابول، قوجه ایل، بروسه، بولی، زونغولداق

ازمیر منطقه سی : ازمیر، آیدین، صاروخان، منتشا، دكیزی، قره سی

تراکیا منطقه سی : ادرنه، قرقلر ایل، تكیر داغی، چاناق قلعه

قونییه منطقه سی : قونییه، نیکده، آفسرای، اسکیشهر، ارطغرل، کوتاهییه، آفیون

قره حصار و لایتلری .

آنطالیه منطقه سی : آنطالیه، اسپارطه، بوردور و لایتلری

آطنه منطقه سی : آطنه، ایچ ایل، مرسین، جبل برکت و لایتلری

سیواس منطقه سی : سیواس، قیصری، توقاد، آماسیه، صامسون، سینوب و لایتلری

طربزون منطقه سی : طربزون، ریزه، آرتوین، کیره سون، اردو، شرقی قره حصار

ولایتلری

ارضروم منطقه سی : ارضروم، ارزنجان، کوموشخانه، قارص، بایزید و لایتلری

الغریز منطقه سی : الغریز، دیار بکر، مالاطیه

وان منطقه سی : وان، حکاری، سعرد، بتلیس

غازی عینتاب منطقه سی : مرعش، غازی عینتاب، اورفا، مار دین

X تریه بدنیه قورسی تعلیماتنامہ سی ۱۰۱

- ۱ - استانبول قیز معلم مکتبندہ مدت تدریسہ سی بوسنہ اولمق اولمق اوزرہ بر تریه بدنیه صنفی آجیلہ شدہ .
- ۲ - بوصفک مداوملری مکتبہ نہاری اولہرق دوام ایدرجکلردر .
- ۳ - بوسنہ یکرمی قیز ، یکرمی ارکک طلبہ آلہ جقدر .
- ۴ - آلہ جق قرق طلبہ آشاغیدہ یازیلی منطقہ لردن تثبیت اولونان مقدارده تقریق اولونا جقدر .

قیز	ارکک	
۳	۳	آنقرہ
۶	۶	استانبول
۴	۴	ازمیر
۲	۲	تراکیا
۲	۲	قونیہ
۲	۲	آطنه
۱	۱	طرزون
۲۰	۲۰	

- ۵ - طالبلرده آراناجق اوصاف شونلردر :
 - (۱) معلم مکتبی مأذونی اولمق (لا اقل برسنه معلمک ایتمش اولمق شرطدر) .
 - (۲) سنی اوتوزدن یوقاری اولماق .
 - (۳) ارککلرده اصغری ۱,۶۰ بویہ ۶۰ - ۸۰ ثقلته مالک اولمق قادینلرده اصغری ۱,۵۵ بویہ ۵۵ - ۷۵ ثقلته مالک بولونمق بو اوصافده اولانلر آیریجه دقتلی برطبی معاینہ یه تابع اولاجق قلب وجکرلرینک اوزون مدت تریه بدنیه خوجالغنه متحمل بولوندیغی ایکی طیب طرفندن تثبیت ایدلمش بولوناجق واولی اولمایان قادینلر ترجیح اولونا جقدر .
 - ۶ - دردنجی مادهده یازیلی اولان منطقہ معارف امینلری قورسه تثبیت ایدیلن
- [*] ۷۱۳۸ نوسرو و ۱۳۲۶/۹/۲۲ تاریخی تعمیمله علاقه دارلره تبلیغ اولونمیشدر .

مقدارده و بشنجه ماده ده کی شرائط دائره سنده معلم کوندره جکله و بونلر قورسده بولونقلری مدتجه مأموراً بروظيفه اعزام اولونمش عد ایدیلارک منسوب اولدقلری مکتب قادر وسندن معاشلرینی تعاوناً آلاجلر در .

۷ — تربیه بدنیہ صنفک تدریساتی اسوه چدن کله جک متخصصلرله برابر تربیه بدنیہ مفتش عمومیدی سلیم سری بک طرفندن تنظیم و تعالیم و تربیه هیئتینجه تصدیق اولونا جقدر .
۸ — تربیه بدنیہ صنفک تدریساتی امورینک نظارت و اداره سنه مفتش عمومی سلیم سری بک مأمور در .

۹ — تربیه بدنیہ قورسنی اکمال ایله ن طلبه اورتا تدریسات مکتبلرندہ معلمک حقنی اکتساب ایلر .

..

تورکیه جمهورینی

معارف و کالتی

ملی تعلیم و تربیه دائره سی

نومرو

۱۷۹۲

آنقره

۱۹۲۶/۹/۲۸

ایلك مکتبلرک یکی مفردات پروگراملرینه عائد تعالیمات قارشیک صیفه ده زیرده یازیلی در . پروگراملر بوتعالیمات دائره سنده تطبیق ایدیلر جک و تطبیقات ایلك تدریسات مفتشلی طرفندن متادیا تقیش و مراقبه اولونارک استحصا ایدیلن نتیجه لر واضح و تفصیلاتلی راپورلر ایله ملی تعلیم و تربیه دائره سنه بیلدیریلر جکدر .

معارف و کالتی

مصطفی بحالی

بوکا کوره حرکت اولونماسنی بیان ایدرم افندم .

ایلك مکتبلرک یکی مفردات پروگراملری

حقنده

تعالیمات

۱ — ایلك مکتبلرک مفردات پروگراملری دکیشدیریلشدر . یکی پروگراملردن لزومی قادر نسخه دوغرودن دوغرویہ لی مطبعه دن معارف اداره لرینه کوندریلر جکدر .

پروگراملر اسکیلرندن بالخاصه شوخصوصیتلر اعتباریه فرقلیدر: (۱) یکی پروگراملرده ایلك اوج سنهده «طوبلو - تدریس» اصولی قبول ایدیلشدر؛ (۲) یکی پروگراملر طلبه نك دها زیاده فعال اولماسنی استهداف ایتمکده؛ (۳) یکی پروگراملر طلبه ایله محیط آراسنده دها صیقی بر رابطه حصوله کتیرمک اساسنه مستنددر.

۲ - اسکی پروگراملردن اساسی بر صورتده فرقلی اولان یکی پروگراملرک بوسنه هر مکتبده بردن تطبیقی موافق کورولمه مشدر. پروگراملر شیمدیلک هرولایتده بناسی ائی، تشکیلاتی و تجهیزاتی تام اولان بش درس خانهلر مکتبلرک ایلك اوج سنه سنده تطبیق ایدیله جکدر. دیگر مکتبلر ایله یکی پروگرامک تطبیق ایدیلدیکی مکتبلرک ایکسجی دوره (دردنجی ویشنجی) صنفلرنده بوسندهده اسکی پروگرام دائره سنده تدریس اتده بولونولاجقدر. آنجاق هرولایتده بوسورتله یکی پروگرامک تطبیق ایدیله جکی مکتبلرک عددی، بری قیز مکتبی اولمق شرطیه، اک آز ایکی دانه اولمالیدر. هر معارف مدیرلکی و یا مأمورلکی یکی پروگرامی تطبیق ایدیه جک مکتبلری تعیین ایدیه جک اسملرینی معارف امینلری واسطه سیله وکالته بیلدیره جکدر.

۳ - یکی پروگرامک تطبیقنده بالخاصه آشاغیده کی نقطه لرک اعتنا ایله نظر دقتده طوتولماسی لازمدر. تطبیقندن استحصال ایدیله جک نتیجه نك قیستی دوغروندن دوغرویه بونلره کوستریله جک اعتنایه تابعدر.

آ - یکی مفردات پروگراملری وارتباط جدوللری هر ایلك مکتب معلمی طرفندن باشند ناشه دقتله اوقونمالیدر. یکی پروگراملرک اک باشلی وصف ممیزی درس لر آراسنده دائمی ارتباط و مناسبت بولونماسنه عطف ایدیلن اهمیتده کورولور. هیچ بر معلم یالکیز درسنه عائد وظیفه نك حدودی ایچنده و دیگر آرقداش لرینک مساعیسنه لاقید بر حالده قالاماز. بونک ایچین در که یکی پروگراملرک تطبیق ایدیله جکی مکتبلرده ایلك یاپیلاجق ایش، معلملرک ایلك تدریسات مفتشنک ریاستی آلتنده طوپلانارق یکی مفرداتی باشند صوکنه قادر دقتله مطالعه، تدقیق ایتمک و ایجاب ایدیه نك نقطه لر حقنده تعاطی افکار صورتیه پروگرامک محتواسی و مقصدلری حقنده واضح فکر لر ایدینه لرینی تأمین ایله مکدر.

ب - یکی پروگرامک تطبیقی ایشنده ایلك تدریسات مفتش لرینه دوشن فعالیت حصه سی آیریجه شایان ذکردر. مفتش لر یکی پروگراملری تطبیق ایدن مکتبلرده تدریساتی

صیق صیق تفتیش ایتمه لی و معلملر ایله ممکن اولدیغی قادار فضلہ تماس ایدرک پروغراملرک
استهداف ایتدیکی تربیوی غایه لرک تأمیننه چالیشمالیدر .

ج — یکی مفردات پروغراملری اصول تدریسه عائد توصیه و وجهه لری ده احتوا
ایتمکده در . هر درسه عائد آریجه اصول تدریس رساله لری ده پی در پی ترتیب ونشر
اولونا جقدر . آنجاق بدایتده هر هانکی بر نقطه ده محتاج ایضاح بر جهت کورولورسه دوغرودن
دوغروییه ملی تعلیم و تربیه دائره سنه مراجعت ایدیلرک ایضاحات ایسته نمه لیدر .

پروغرامده کوزه تیلن مقصدلرک حصولی ، آنجاق ، حیات بیلکیمی درس لرنده صیرا
ایله رقلی اولارق کوستریلن درس « جزؤ » لرینک صنف معلملری طرفندن اولدن لایقیله
مطالعه ایدلمک صورتیله مناسب برپلان داخلنده توسیع واحضار اولونماسی و بونلرک اکالنه
قادار تدریساته وحدت و آهنگ تام ایله دوام ایدیله سی ایله ممکندر . و وجهتک قطعاً اھمال
ایدیله می لازمدر .

د — یکی پروغراملرک تطبیقنده رعایت ایدیله جک نقطه لار یوقاریکی ماده لرده کوسته .
ریتمشدر . بو خصوصده کی فعالیتلرک نتیجه لری ایلاک تدریسات مفتشلرینک رایورلرینه مستند
اولان هر اوج آید بر وکالته بیلدیریله لیدر .



تعمیر

تورکيه جمهوريتى

معارف وکالتى

٦٤١ عمومى

٧٣٩ خصوصى

١٩٢٦/٩/٢٩

معلم مکتبى مدير لکنه

معلم مکتبلىنه عائد انشاءات ايله تدریسات و تأسیسات لوازمنك مناقصه، مزایده و احالات قانونك ١٨ نجى ماده سنك « ز » فقره سى موجبىنجه بازارلقه تدارك و تأمینى حقننده اجرا وکیللىرى هیئت جاییله سنجه متخذ ٩٢٦/٩/٥ تاریخ و ٢٠٨٩ نومرولو قرار صورتى عیناً بالابه چیقارلمشدر . کیفیت تعمیماً تبلیغ اولتور اقمدم

معارف وکیللى نامنه

نافع عطف

نومرو

٣٠٨٩

٥ ایلول ١٩٢٦

صورت

٩٢٦ سنه سى بودجه سنك انشاءات و تعمیرات و تأسیسات فصللرینه موضوع تخصیصاتك کفایتسزلىکى حسسیله ولایات محاسبه خصوصیه لرینك معارفه ترك ایده جکلری یوزده اولئر ايله انشاسى مقرر بولنان معلم مکتبلىنه عائد انشاءات و تعمیرات ايله تدریسات لوازمنك ولایتلردن کوندریله جك پاره لرك وقتنده طوطلانامامسنه مبنی مناقصه یه قونیلامادیغى اكلاشلديغندن مکتبلرك آچلمه سندن اول احضار ایدیله بیلمسى ایچون مناقصه و احالات قانونك « ض » فقره سى موجبىنجه بازارالق صورتیه تدارك و تأمینى و معارف وکالتنك ٤ اغستوس ٩٢٦ تاریخ و ١٥٢/٦٣٦٨ نومرولو تذکره سیله وقوعبولان تکلیفی و مالیه وکالتنك ٤ ایلول ٩٢٦ تاریخ و ٣١٨٦/٩ نومرولو مطالعه نامه سى اوزرینه اجرا وکیللىرى هیئتنك ٥ ایلول ٩٢٦ تاریخی اجتماعنده تصویب و قبول اولونمشدر .

رئیس جمهور

غازى مصطفى کمال

خارجیه وکیللى	داخلیه وکیللى	بحریه وکیللى	مدافعه ملیه وکیللى	عدلیه وکیللى	باش وکیل
دوقنور رقبى رشى	جمیل	امسانه	رجب	محمد راسم	عصمت
صحبیه و معاونت اجتماعیه وکیللى	تجارت وکیللى	زراعت وکیللى	نافعه وکیللى	معارف وکیللى	مالیه وکیللى
دوقنور رقبى	مصطفى رمى	محمد صبرى	براج	مصطفى بجالی	مصطفى عبدالخالق

اورتا تدریسات دائرہ میں

۲ شعبہ

تدریسات قلمی

عمومی

۶۱۹۳ خصوصی

۱۹۲۶/۸/۱۹

مدیر لکھنے

- ۱ — مکتبکیزک بوسنہ کی طلبہ قادروسی () در .
- ۲ — ملغا معلم مکتبہلری طلبہ سندن () افندیکنک مکتبکیزہ قید و قبوللری تنسیب ایدلمشدر . مراجعتلرنده معاملہ قیدیہلریکنک ایفاسی ، شہریاتی مکتبہلری مأذونلرنندن مؤسسہ کزہ کوندریلہ جکلرک اسماری بالآخرہ بیلدیریلہ جکلدر . شمیدیلاک () کیشیلک یر آیریلماسی مقتضیدر .
- ۳ — خارجدن آلاسیلہ جکلکز طلبہ مقدارسنک تثبیتیلہ — منطقہ کز داخلندہ کی ولایتلرک معلم احتیاجی دہ نظر دقتہ آلینارق — هرولایتدن نہ قادر طلبہ آلینابیلا جکلکنک درحال اعلانی لازمدر .
- ۴ — معلم نامزدلریکنک ایلاک مکتب مأذونلریکنک اک کزیدہ لرنندن تفریق ایچین امتحانلرک داخل اولاجقلری مکتبہلردہ یاسیلماسی — ازهرجهت — شایان آرزو ایسہدہ برچوق مصرف اختیاریلہ اوزاق یرلردن کلہ جک طلبہ کنک موفق اولاماملری تأمل ایدلدیکی تقدیردہ بعض محذورلری داعی بولوندیغندن امتحانلرک کافی السابق محللرنده اجراسی ضروریدر .
- ۵ — امتحان سؤاللری ریاستکیز آلتندہ تورکجہ ، ریاضیہ و طبیعیہ معلملرنندن — بولونمقلری تقدیردہ طرفکیزدن تنسیب ایدیلا جک ذواتدن — مرکب قومیسون طرفندن — هر صنفہ قبول اولانہ جق طلبہ یہ کورہ — تنظیم ایدیلا جک محرم اولارق اورتا مکتب ویامعارف مأمورلقلرینہ کوندریلا جک و اوراق امتحانیہدہ کذا بو قومیسون طرفندن تدقیق ایدیلا جکلدر . بو صورتلہ تفریق ایدیلا جک طلبہ کنک وقت معینندہ مکتبہ مراجعت ایتملری لزومی کندیلرینہ تبلیغ اولنہ جکلدر .
- ۶ — امتحانلرک سرعتلہ یاسیلوب نتیجہلرک علاقہ دارلرہ بر آن اول تبلیغی ، موفق اولامایانلرک دیگر مکتبہلرہ کیرہ بیلملرنی تأمین ایچین ضروریدر .

۷ - امتحانلردن ماعدا قيد و قبول شرطلری ۷ آغستوس ۳۴۰ تاریخ و نومرولو تعمیمله بیلدیرلدیکی وجهله در .

۸ - طالبلرک کتیره جکلری صحت راپورلرینک ایکی دوققوردن آلتماسی و مکتب دوققورنجهده نهائی و قطعی اولارق معاینه ایدلمسی لابددر .

۹ - مکتبکزه قیدوقبوللری ایچین مراجعت ایدن ^{افندیله} ^{خانقلره} عائد () استدعانامه ایله بوکا متفرع اوراق کوندرلمشدر . بونلرکده قبول ایدیله جک طلبه میاننده نظر دفته آلتماسی و امتحانلرینک اجرایی ایچین بولونقلری محللرک اورتا مکتب مدیر ویا معارف مأمورلقرینه تبلیغاتده بولونیلمقله براروقت معیننده مذکور مدیر ویا مأمورلقلره مراجعت ایتملری لزومنکده کندیلرینه بیلدیرلمسی مقتضیدر .

۱۰ - قادرویه نظراً بوسنه طلبه آلامایان ویا جزئی مقدارده آلان مکتبلر برنجی صنفلرینی نهاری طلبه ایله تماملایه جقلر ویا تشکیل ایده جکلردر .

۱۱ - قيد و قبولده اورتا مکتب مآذونلریله ایلك مکتبلرک فوقنده تحصیل کورمش اولانلرک ترجیحاً لایق اولدقلری صنفله قبوللری مقتضیدر .

۱۲ - تدریساته ۱ تشرین اول ۹۲۶ تاریخنده باشلانجهندن مآذوناً مملکتلرنده بولونان طلبه یه میعادندن اول قطعاً کلملری لزومنک عکس تقدیرده اعاشه و ابانه ایدیلیه . جکلرینک درحال تبلیغی لازمدر .

۱۳ - بو تعمیمک وصولنک اشعاری و مندرجاتنه توفیقاً سرعتله حرکت اولونماسی مرجودر افندم .

معارف وکیل

مصطفی بحالی

اورتا تدریسات مدیریت عمومیه سی

شعبه ۱

تدریسات قلمی

عمومی ۵۷۸

خصوصی ۶۱۹۷

۱۹۲۶/۸/۱۹

مدیر لکنه

۱ - ۹۲۶-۹۲۷ سنه درسیه سنده مکتبکزک لیلی قادروسی اولوب بوندن
ی اجرتلی ی مجانی در .

۲ — لیلی اجرتلیلر کافی السابق وألده کی قوانین و تعلیماته توفیقاً آ لینا جقدر . یعنی بواجرتلرده بر مکتبده متعدد اولادی اولانلرک چو حقلرندن آ لینا جق اجرت نیسان ۳۳۳ تاریخلی قانونه توفیق ایدیله جقدر . مأمورین چو حقلرندن اسکیمی کی $\frac{20}{100}$ تنزیلات بایلا جقدر . آنجق بوسنه دولت بودجه سنک دارلنی حسیله یکیدن مکتبه آ لینا جق لیلی اجرتلی طلبه « استانبولده کی مکتبلر ایچین » مکتبک کوستره جکی نمونه وجهله یاناغنی تأمین ایدیه جک و مکتبدن آیرلدیغی زمان برابر آلابیله جقدر .

۳ — لیلی مجانیلرک حائز اولمالری لازم کلن اوصاف و شرائط ۶/۳۰ / تاریخ و $\frac{20}{100}$ نومرو ایله مکتبکزه تبلیغ ایدیلن قانونده مصر حدر .

۴ — اشبو قانونک ایکنجی ماده سنده « مأمورین قانونک ۸۸ نجی ماده سی حکمی مستثنا اولمق اوزره » عباره سنده کی برنجی فقره نک حکمی موازنه عمومیه قانونک ۱۸ نجی ماده سی موجبنجه ۱۹۲۷ سنه نه تأخیر ایدلمشدر . بناءً علیه لیلی مجانی اوله رق آ لینا جق طلبه ، ایکنجی ماده نک « لیلی مجانی طلبه ، صحتی تام الخ » قسمندن باشلا یان فقره حکمنه توفیقاً آ لینا جقدر .

۵ — بودجه نک دارلنی حسیله بوسنه لیسه واورتا مکتبلر مزه لیلی مجانی اوله رق پک آ ز طلبه آ لینا بیله جقدر . بوندن ده مؤسسه کز آنجق طلبه آلابیله جقدر . أساساً آ ز طلبه آ لینا بیله جکی ایچین بونلرک الک کزیده لردن سچلمه سی ضروریدر . آ لینا جق طلبه نک حسن انتخابی تأمین ایچین وکالت قانونک امر ایتدیکی شرائط داخلنده حرکت ایتمک اوزره مکتب مدیرلرینه صلاحیت کامله ویرر .

۶ — مکتب مدیرلری بر ریاضیه ، بر تورکجه و بر طبیعیه معلمیه کندیسنک انتخاب ایدیه جکی دیگر بر معلمدن مرکب بر هیئت ممیزه تشکیل ایدیه رک مراجعت ایدیه جک اولان طالبلری امتحان و بونلردن صنف فرقی کوزه تیلمه یه رک سجیه و ذکا اعتباریه الک کزیده لرینی قبول ایدیه جقدر .

۷ — اشبو مسابقه امتحانی ایلولک یکرمنجی کونی مکتبکزه آلتنجی ماده ده ذکر ایدیلن هیئت ممیزه حضورنده اجرا ایدیلهرک قبول ایدیلنلر تفریق اولونا جقدر .

۸ — بوتعمیمده بیلدریلن مقداردن بر تک فضله طلبه آ لینا جقدر .

۹ — امتحانک ختامنده قبول ایدیلن طلبه نک قید اساسی نومرو لری ویریمک اوزره

در حال وکالته بیلدرلمسی لازمدر .

۱۰ - تدریساتده کی وحدت وانتظامی تأمین ایچین تشرین اول ایکیسندن صوکره
(نقل خارج اولوق اوزره) نه لیلی اجر تلی نه اجر تسز ونه ده نهاری طلبه آلمانایا جقدر .

معارف و کبلی

مصطفی بحانی

قلم مخصوص مدیریتی

۲۱۸

۱ - ایلول - ۱۹۲۶

دوائر

ملی تعلیم و تربیه دائره سی نشریات مدیریتی تعلیم و تربیه هیئتی تعلیماتنامه سیله معین
وظائف اعتباریله مذکور دائره ریاستنه مربوط اولمقله برابر بروجه آتی خصوصاتی ایفا
وظیفه سیله مکلف اولوق اوزره ده دوغرودن دوغرویه وکالت امرنده در .

۱ - وکالت دواثرینک هر کونکی اجرا آتی حقنده دواثر رؤسائیدن آلاجنی
معلوماتی بالتثبیت مقام وکالت بیلدیریر و وکالتجه نشری موافق کوروله نلری مطبوعات ویریر .
۲ - وکالتجه باپیلان هر درلو تعینلری سجل و مأمورین مدیریتی بر لیسته حالنده
هفته صوکی نشریات مدیریته مناسب کوروله نلری نشر اولونوق اوزره ، تودیع ایدر .
۳ - مدیر لر انجمنی باش کاتبی هر اجتماعت مقررات خلاصه سی انجمن رئیسنه
تصدیق ایتدیر و ب نشریات مدیریته ویریر . وکالتک تصویبیه اقتران ایدن خصوصات
مطبوعاتله نشر اولونور .

۴ - نشریات مدیریتی تعلیم و تربیه دائره سنک اجرا آتی حقنده یازدینی خلاصه لری
دائرة رئیسنه تصدیق ایتدیره رک وکالتک عرض ایدر و بعده مطبوعات ویریر .
۵ - نشریات مدیریتی وکالت نامه پایلاجق رسمی بیاناته مقتضی وثائق و معلوماتی
دواثر عاتده سندن طو پلار .

۶ - مملکت داخلنده کی مطبوتی تعقیب و معارفه متعلق نشریاتی تثبیتله قوپور لر حالنده
مقام وکالتک و مقام وکالتدن ده ایجاب ایدن دوائر و تعلیم تربیه یاستنه تقدیم ایدر .

۷ - مطبوعات ویرمه سی تنسیب اولونان معلوماتی ، وکالت امریله غزته جیلره تبلیغ
ایدر . یالکز وکیل بکک بالذات کورمه سی لازمدر .

- ۸ - غزته قوپورلری دائرلرده اوقوندقدن سوکرا دوسیه سینه وضع اولنق اوزره نشریات دائره سینه ویریلیر نشریات دائره سی بونلری معین اصول دائره سنده طوولار .
- ۹ - اجنبی مطبوعات ایچون آبونه اولدیغیز قوپورلر اداره سندن کلن قوپورلری یینه عین صورتله وکالته تقدیم و مطبوعات داخلیه کبی دوسیه لرینی تنظیم ایدر .
- ۱۰ - نشریات مدیریتی هر وقت وکالت اجرا آتی یرلی مطبوعات و یردیکی کبی سفیرلر واجنبی غزته لرینه ده خلاصه شکلنده کونده ریر .
- ۱۱ - بالعموم وکالت قانونلرینی، تعلیماتنامه لرینی و خلاصه اجرا آتی هر آی نهایتنده نشریات مدیریتی وکالتلره سفارتلره کوندرمکه مجبوردرلر .
- ۱۲ - مترجملر تعلیم و تربیه رئیسی طرفندن ویریلن مطبوعات خلاصه لرینی درحال ترجمه ایدرک نشریات مدیریته تودیع مجبوردرلر .
- ۱۳ - بالعموم آرقداشلریمک نشریات مدیریته یاردم ایتمه لرینی توصیه و تمنی ایدرم .

معارف وکیل
مصطفی بحالی

ایلك تدریسات مدیر عمومیلکی

۶۱۹ عمومی

۷۲۲۵ خصوص

۴ ایلول ۱۹۲۶

معارف
مدیرالکینه
مأمورافته

ملغا دارالخلافه نك دردنجی صنفی اكمال ایدنلرله بشنجی و آلتنجی صنف طلبه سی امام و خطیب مکتبی مأذونی عد ایدیلهرک حقلرنده ۲۰ مایس ۹۲۶ تاریخلی و ۸۴۲ نومرولو قانونك برنجی ماده سینه توفیقاً معامله ایفاسی و تعمیم احکامنه مخالف بولونان معاملاتك ده بواساسه کوره تصحیحی تعمیماً تبلیغ اولونور افندم .

معارف وکیل
مصطفی بحالی

ایلك تدریسات مدیر عمومی

۶۲۴ عمومی

۷۳۳۵ خصوصی

۶ ایلول ۱۹۲۶

معارف
مدیرلکته
مأمورلغه

معلم ندیم طوغرول بک طرفندن استانبولده نشر ایدیلکده اولان « یکی یول » اسمنده کی
چو جوق غزته سی، مندرجات اعتباریله ایلك مکتب طلبه-نک دماغ و قابلیت فکریه لرینک
انکشافه خدمت ایده جک ماهیتده بولندیغندن اداره کزجه موضوع بحث غزته نک ایلك
مکتب کتبخانه لرینه جلی اسبابنک تأمین تو صیه اولونور اقدام.

معارف وکیلی نامنه

نافع عطف

..

۹۲۶-۹-۴

قلم مخصوص مدیریتی

۲۴۴ خصوصی

دائرة لره

حرث مدیر لکی تخصیصاتی تصرف ایدیله جکدر . ناء علیه شمعی به قدر حرث
مدیرلکته مربوط اولارق اداره ایدیلن صنایع نفیسه، موزه لر، کتبخانه لر شعبه مدیر لکری
مستقل برر دائرة اولارق ایفای وظیفه ایده جکدر . کیفیت تعمیم اولونور .

معارف وکیلی نامنه مستشار

نافع عطف

..

۱۱ ایلول ۱۹۲۶

قلم مخصوص مدیریتی

۱۷۰

دائرة لره

کرك ملی مطبعه كرك وكالت داخلنده کی مطبعه بوتون معاملاتى اعتباریله تعلیم و تربیه نك
امرینه ویریلشدر . بوندن سوکرا دائرة لره واقع اولاجاق سپارشلرك مصرفی هانکی

فصل و ماده دن ویریه جکی تصریح ایدیلک شرطیه مذکور دائره واسطیه یاپدیریلماسی
اقتضا ایدهر . کیفیت تعمیم اولونور .

معارف وکیلی نامه مستشار

نافع عطف

ایلك تدریسات مدیر عمومیلکی

۶۳۳ عمومی

۷۵۲۶ خصوصی

۱۹۲۶-۹-۱۲

معارف

معارف تشکیلاتنه دائر ۲۲-مارت-۹۲۶ تاریخی و ۷۸۹ نومرولو قانونک سکزنجی
ماده سی موجبینجه حققرنده تعقیبات قانونیه اجرایی لازم کلن معلم مکتبی مأذونلرندن
بعضیلرینک ترک مسلك ایتدکلری و بونلر حققنده تعقیبات قانونیه ده بولونولمادیغی خبر آلمشدر .
مجبوری خدمت داخلمده کی معلملردن ترک مسلك ایدنلر حققنده در حال تعقیبات قانونیه
اجرایی و بونک ایچون ده ولایتکیز امرنده بولونان معلم مکتبی مأذونلرینه عائد تعهدسندلرینک
مأذون اولدقلری مکتبلرندن جلی و فی مابعد تعقیبات قانونیه نك اداره کزجه ایفا و اجرایی
تعمیلاً تبلیغ اولونور افندم .

معارف وکیلی

مصطفی بحالی

۱۳ ایلول ۱۹۲۶

قلم مخصوص مدیریتی

نومرو

۱۷۱

دائرة لره

تعلیم و تربیه دائره سنه ربط ایدیلش اولان وکالت مطبعه سنه طبع ایدیلک اوزره
دائرة لردن ویریه جک تعمیم ، تعلیماتنامه و سائر اوراق حققنده آشاغی ده یازیلان طرزده
حرکت اولونا جقدر .

۱ — باصیلاحق اوراق حقنده بر مذ کرد و بریله جك و بومذ كرمیه باصیلاحق اوراقك تمیز برمسوده سی و یا نمونه سی ربط اولونا جقدر. بومذ كرمه مقام و كالتجه نشریات مدیریته حواله ایدیله جقدر.

۲ — تعمیملره دائره جه وضع ایدیله جك عمومی و یا خصوصی زمرولرله تاریخیلر اشارت اولونا جق وقاج دانه باصیلامسی لازم کلدیکی ده یازیش بولونا جقدر.

۳ — تعلیمات ماهیتنده بولونان تعمیملرک استناد ایتدیکی قانون، نظامنامه و تعلیماتنامه اسملریله ماده لری و یا مدیرلر انجمنی قرار نومرو و تاریخی تعمیمك یوقاریسنه یازیلا جقدر. ۴ — بونلرک ایچنده مقام و كالتجه مستجلتی اشارت اولونا نلردن ماعداسی نشریات مدیریته تودیع تاریخی صیراسیله طبع اولونا جقدر.

۵ — دائره لر طرفندن طبع ایدیلك اوزره دوغرودن دوغرویه مطبعه جه هیچ بر شی و بریلیه جقدر.

۶ — دائره لر سپارشلرینك بودجه نك هانکی فصل و ماده سندن محسوبنك اجرا ایدیله. جکندی ده مذ كره لرینه اشارت ایدم جکلردر. تعمیماً تبلیغ کیفیت اولونور افندم.

معارف و کبلی
مصطفی بجای

حفظ الصلحه مدیریتی

۶۳۴ عمومی

۱۰۵ خصوصی

۱۳ - ایلول - ۶۱۹۲

معارف

مکتبلریمزده طلبه لرك سنه ده ایکی دفعه معاینه صحیه لری اجرا اولونمقده و خسته طلبه در حال تجرید ایدیله رك خسته لغك دیکر لرینه سرایت ایتمه مسنه اعتنا ایدیلمکده ایسه ده معلملر عینی تقیداته تابع طوتولما مقده در. حالبوکه دائمی صورتله طلبه ایله تماسده بولونان متورم بر معلمك درس تقریری اشناسنده آغزندن چیقاراجنی بیکلرجه قوح باسیلی ایله یوزلرجه کنجی آشیلامسی ممکن اولاجقندن بو تهلیکدنک اوکنه کچیله بیلمه سی ایچون معلملرکده هر

سنه درسيه ابتداسنده معاينه صحيفه لرینك اجراسيله جالب دقت کوریلنلرک راپورلرینک برای تدقیق وکالتہ کوندہ ریلسی مدیرلر انجمننک ۸ - ایلول - ۱۹۲۶ تاریخ و ۴۲۳ نومرولو قراری اقتضاسندن اولمغله آکا کوره معاملہ ایفاسی اہمیتلہ بیان اولونور افندم .

معارف وکیل

مصطفی بحالی

ایلك تدریسات مدیر عمومیلکی

۶۳۳ عمومی

۷۵۲۶ خصوصی

۱۹۲۶ - ۹ - ۱۴

معارف

معارف تشکیلاتنه دائره ۲۲ - مارت - ۹۲۶ تاریخلی و ۷۸۹ نومرولو قانونک سکنزنجی ماده سی موجبنجه حققرنده تعقیبات قانونیه اجراسی لازم کلن معلم مکتبی مأذونلرندن بعضیلرینک ترک مسلك ایتدکلری و بونلر حققرنده تعقیبات قانونیه ده بولونولمادیغی خبر آلمشدر . مجبوری خدمت داخلمده کی معلملردن ترک مسلك ایدنلر حققرنده درحال تعقیبات قانونیه اجراسی و بونک ایچونده ولایتکیز امرنده بولونان معلم مکتبی مأذونلرینه عائد تعهد سندلرینک مأذون اولدقلری معلم مکتبلرندن جلبی وفی مابعد تعقیبات قانونیه نك اداره کزحه ایفا اجراسی تعمیماً تبلیغ اولونور افندم .

معارف وکیل

مصطفی بحالی

ایلك تدریسات مدیر عمومیلکی

۶۳۷ عمومی

۷۷۱۲ خصوصی

۱۹۲۶ - ۹ - ۱۶

حفظالصحه دائره سنك احداثندن اول مکتب طبیییه دیگر برطبییدن آله حق راپورلرک راپورلرک ولایتلرده صحیفه مدیرلرینک و قضاالرده حکومت و یا بلدیہ طبییلرینک تصدیقنه تابع طوئلسی قرارلاشدیرلمشدی اخیراً حفظالصحه دائره سنك احداث اولونمسی حسییه بالطبع بوکا لزوم قالمشدر .

بوندن سو کره دوغریدن دوغری یه وکالته مربوط مکاتب و مؤسسات معلم و مأمور لرندن
مأذونیت و یا سائر ایچین راپور ابراز ایتمک مجبوریتنده بولونانلرک مکتب دو قورلرندن
آله جقلری راپورلرک حفظ الصخه دائره سنجه تدقیق ایدیلک اوزره وکالته ارسالی و مکتب
طیبی بولونمیان اورتا مکتبلرله معارف مدیر لکرینه مربوط مکتب و مؤسسات معلملری
حقنده ۹۲۶/۴/۲۷ تاریخ و ۲۱۲/۱۱ نومرولو قرار احکامنک تطبیق مدیر لر انجمنجه اتخاذ
قلنان ۹۲۶/۹/۸ تاریخ و ۲۳۸/۱۷ نومرولو قرار اقتضاسنددر اوکا کوره معامله ایقاسیر توصیه
اولونور اقدم

معارف وکیل نامنه

نافع عطرف

۹۳۶-۹-۲۱

اورتا تدریسات دائره سی

۶۴۹ عمومی

۷۱۴۸ خصوصی

ایه
معلم مکتب
مدیر لکنه

۱۹۲۶-۱۹۲۷ درس سنده سی طرفنده مکتبکیزک آلتنجی صنفی یدنجی
صنفی سکیزنجی صنفی دو قوزنجی صنفی اوتنجی صنفی
اونبرنجی صنفی شعبه دن عبارت اولاجقدر . هر شعبه نك طلبه
مقداری فرق الی الی طلبه در. قادرولر بو حسابه کوره تنظیم ایرلشددر. بناء علیه آله حق
طلبه نك ده بونسبتدن فضله اولمامنه اعتنا اولونمسی لازم در .

معارف وکیل نامنه مقشار

نافع عطرف

۲۲ ایلول ۱۹۲۶

۶۴۲ عمومی

۲۹۷ خصوصی

مدیر لکنه

! بالعموم معلم آرقاداشلره تبلیغ اولونا جقدر [

۱۹۲۶ - ۱۹۲۷ درس سنده سی قادرولرینک مکتبلره تبلیغی مناسبتیه آرقاداشلرینک
آتیده کی ماده لر اوزرینه نظر دقتلرینی جلب ایتکی فائده لی بولویوروم :

۱ — یکی قادرولرک تنظیمنده معارف تشکیلاتی قانوننک احکام مخصوصه سی نظر دقته آلتش وقانوننک معلمله بخش ایتدیکی حقلرک ضایع اولماسنه صوک درجه اعتنا ایدلدیکی کبی هر آرقاداشک هانکی وظیفه ده وهانکی ومحلده اعظمی درجه ده بعید اولاییله جکی آیریجه دوشونولمشدر .

۲ — کندیلرینه یکی وظیفه تودیع ایدیلن آرقاداشلرک نهایت برهفته طرفنده محل مأموریتلرینه حرکت ایتش بولونمالری لازمدر . بو آرقاداشلر یوم حرکتلرینی مافوقلری واسطه سیله وکالتله تلغرافله بیلدیره جکلردر .

۳ — عهدهلرینه ویریلن وظیفه یی قبولدن استنکاف ایدن آرقاداشلر بنمله تشریک مساعی یی آرزو ایتمه یور دیمکدر . بناء علیه وکیل بولوندیغم مدتجه کندیلرینه دیگر بروظیفه ویره میه جکی تأثرله شیمدیدن بیان ایتک مجبوریتنده یم .

۴ — مسلکک قوت بولماسی ، حقیقی مسلک حیاتنک باشلاماسی ایچین انتظام وانضباطک ضروری بر شرط اولدیغنه قانع بولونان وکالت ، آرقاداشلرک شخصی آرزولرینی علوی مسلکمزک ایجاباتی فوقنده کوره مز .

شعیدی به قدر کندیلرینه مودوع وظیفه لری درین برعشق وشایان تقدیر برفدا کارلقله ایفا ایدن معلملریمزدن هیچ برینک وکالتی مسلکدن هر هانکی بر آرقاداشک آریئاسنی استلزام ایده جک بر قرار اتخاذه مجبور ایتمه یه جکنی قوتله امید ، چوق قیمتلی و عزیز مسلکداشلریمزه مساعیلرنده موفقیتلر تمنی ایده رم .

معارف وکیلی

مصطفی بحالی

اورتا تدریسات دائره سی

۶۰۵۲ عمومی

۷۱۹۴ خصوصی

۲۳ ایلول ۱۹۲۶

مکتبی مدیرلکینه

۱ — مکتبکیزک قادروسی مربوط شکلده تثبیت ایدیلمشدر .

۲ — مدیرلرک ، قادرولرک مدیرلک خانه لرنده کوستریلن تخصیصاتلری مقعطوع اجرتدر . مدیرلر معلملک معاشلرینی عهدهلرینه ویریلن درسدن آلیرلر . بودرسلرک سرعتی

هر قاچ اولورسه اولسون مديرلك وظائفى نظر دقته آلىنارق اصلى وضعى دائمى معلملك معاشى اوزرندن ويريلشدر .

۳ -- قادروده ابقا ايديش اولان معلملك معاشلى قادرونك يكي سنه ستونلىرى مقدارى اوزرندن وائلول بدايتندن حساب ايديلهرك ويريله جكدرد .

۴ -- نقلاً تعيين ايديش اولان معلملك معاشلى ده كذا ۱ ايلول ۹۲۶ تاريخندن اعتباراً تحقق ايتديريلهرك اوصورتله تأديه اولونه جكدرد . نقل ايديلن معلملر معاشلىنى نقل ايلدكلى محللرده آلا جكلردرد .

۵ -- قادرو قراريله آچيقده قالمش اولان معلملر برموجب قانون اسكى معاشلىنى اوچ آى آچيق معاشى اولارق آلا جكلردرد .

۶ -- نقل صورتيله اولمبوبده عهدلرينه يكيدين مأموريت ويريلش بولونانلر معاشلىنى ايشه مباشرتلى تاريخندن اعتباراً آلرلر .

۷ -- قادرولرده معاشلك تنظيمى بروجه آنى اساسات داخلنده ياپيلمشدر :

۱ -- معارف تشكيلاتنه دائر قانون موجبجه دائمى معلملك معاشلى اصغرى ۲۵ موقوتلك ۱۷ ليرا اولنديغندن موجود معلملك معاشلى اولا بونسبتة ابلاغ ايديلمشدر . بر غروپ درسدن آلدقلى معاش حد اصغريدن فضله اولان معلملك بو معاشلى حق مكاتب عد ايديلمشدر .

ب -- ۹۲۶/۵/۶ تاريخلى ذيل قانون موجبجه بش سندن اون سنه يه قدار قدمى اولان معلملك معاشلى اولاد اصغرى يه ابلاغ وحد اصغرى اوزرينه مبدأ معاشك موقوتلرده ٪ ۱۰ ى دائمیلرده ٪ ۱۵ ى اون ويا دها زياده سنه قدمه مالك اولان معلملك معاشلرينده كذا مبدأ معاشك موقوتلرده ٪ ۲۰ سى دائمیلرده ٪ ۳۰ ضم ايديلمشدر .

ج -- دائمى معلملره هفته ده ۱۶ (۱۶ داخل) موقوت معلملره هفته ده ۷ (۷ داخل) ساعته قدار درس ويريلمشدر . عهدلرينه عینى غروپه طأد فضله درس ويريلن معلملك درس ساعتلى بومقدارى تجاوز ايتدكجه ضم ويريله مشدر . درس ساعتى بومقدارى تجاوز ايدنجه يدى ساعته قدار آريجه برموقوت معلم مبدأ معاشى ويريلمشدر . علاوه ايديلن درس ساعتى يدى يي كچنجه بومعاش دائمى معلملك مبدأ معاشنه ابلاغ اولونمشدر .

ه -- ايكي ويا دها زياده وظيفه توجيه ايديلن معلملك بروظيفه سى اصل وديكرى

فرعیدر. قدم وضم واصله کوره یوروتیلشددر. فرعیلرک معاشلری ثابت قالیر. ووکالت
فرعی وظیفه لرینی ایجابنده بومعلملردن آلیر (شعبه درس لری ایچین ده بوضورتله معامله یاپیلیر).
و — درسی یدی ساعتی تجاوز ایدن معلملرک معاشی دائمیك حسابی اوزرندن
تثبیت ایدیلشددر.

و — ایکی مکتبده درسی اولان موقوت معلملر، هر ایکی مکتبده کی درس لرینک
مجموعی یدی ساعتی بولونجه یه قادار برموقوت معاشی آلیرلر. ایکی مکتبده درس ساعتی
یدی نی تجاوز ایدن معلملرک معاشلری دائمی معلمك معاشی اوزرندن ویریلشددر. هر ایکی
صورتده ده معاشلر برمکتبدن تسویه ایدیله جکدر (آیری آیری مکتبلرک شعبه لرنده درس
آلان معلملرک معاشلری ایچین ده بو یولده معامله ایدیلشددر).

ز — معارف مسلککنده اصل اولان معلمك اولدیغندن مکتب مدیرلکی، معارف
مدیرلکی الخ. . . کی معارف خدمت لرندن معلملکه نقل ایدیلنلرک مکتب معاشلری
محافظه اولونمشدر. قدمنه نظراً مکتب معاشندن آز آلانلره ذیل قانون موجبجه قدم
ضمی ویریلشددر.

ح — مکتب مدیرلرینک معاشلری ده (ز) فقره سی موجبجه تثبیت ایدیلشددر.

۸ — اشبو قادرولر ۱ ایلول ۹۲۶ تاریخندن معتبردر.

معارف وکیلی

مصطفی نجفی

هامش : بعض آرقاذاشلر متعدد تبلیغلره رغماً نه فیش وده ده ترجمه حال ویرمدکارندن بوتلرک
معاشلری حداصغریده تثبیت ایدیلشددر. بو ضرورت کندی اهمال لرندن متولددر.

..

۱۹۲۶-۹-۲۵

ایلك تدریسات دائره سی

۶۵۹ عمومی

۷۹۸۱ خصوصی

خلاصه : ۶۴۳۴ نومرولو تعمیمك لیسه لرک صوك دوره لرینی

احتوا ایدهن خصوصی مدتلره شمولی اولمادیفی

معارف اُمینلککنه

معارف مدیرلککنه

معارف مأمورلغنه

مکاتب خصوصیه نك « لیسه » عنواتی طاشیایامایه جقلرینه دائر ۶۴۳۴ نومرولو و ۷

آغستوس ۹۲۶ تاریخلی تعمیمك دولت لیسه لری پروگرام و تعلیماتنامه لری عیناً تطبیق ایدن
و دورملری تام اولان مکتبلره شمولی اولدیغی $\frac{457}{9}$ نومرولو و ۹۲۶/۹/۸ تاریخلی مدیر لر
انجمنی قرار ی مقتضاسندن اولدیغی بیان اولونور افندم

معارف وکیل
مصطفی بحالی

..

آنقره
۲۶ - ایلول - ۹۲۶

قلم مخصوص مدیریتی
۶۶۰ عمومی
۳۲۲ خصوصی

منطقه سی معارف امینلکینه

- ۱ - تصدیق عالی به اقترا ن ایدن معارف امینلک لری تعلیماتناسندن عددی کوندر یلشدن .
مذکور تعلیماتنامه یی منطقه کز داخلنده بولونان معارف مدیر و مأمور لقلریله تالی مکتبلره
و کتبخانه، موزه کبی معارف مؤسسه لرینه توزیع ایدمرك مقتضاسنه کوره حرکت اولونماسنك
تأمیننی رجا ایدمرم .
- ۲ - امینلک لرك وکالتك دوائر مرکزیه سنی علاقه دار ایدن بوتون مخبره لری ده
دو غرودن در غرویه مقام وکالت و ساطتیه اجرا ایدیله چکدر .
تعمیماً تبلیغ اولونور افندم .

معارف وکیل
مصطفی بحالی

..

۲۶ ایلول ۱۹۲۶

قلم مخصوص مدیریتی
۱۸۲

دائرة لره

- ۱ - معارف امینلک لری تعلیماتنامه سی تصدیق عالی به اقترا ن ایتمش و (۱) عددی
دائرة کزه تودیع اولونمشدر .
- ۲ - شمعی به قدار تعیین ایداش اولان معارف امینلری شونلردر .

- ۱ — استانبول منطقه سی معارف امینی وکیلی نائل رشید بك
- ۲ — انقره » » امینی اسحق رأفت »
- ۳ — از میر » » فواد »
- ۴ — قونیه » » عونى »
- ۵ — طروبرزون » » توفیق »
- ۶ — اطنه » » راغب نورالدین »
- ۷ — غازی عینتاب » » بسم »
- ۸ — العزیز » » عثمان نوری »
- ۹ — وان » » جلیل »
- ۱۰ — انطالیه » » اسماعیل حبیب »

دیگر اوج منطقه یه هنوز معارف امینی تعیین ایدلمه مشدر . تعیین ایدیلنجه دائره لره تبلیغات یاپیلاجقدر .

۳ — تعلیماتنامه نك ۲۲ نجی و ۲۹ نجی ماده سنده کوستریلان خصوصیلردن غیرى بالجمله خصوصیات ایچون دوغروودن دوغروییه معارف امینلکلریله مخبره ده بولونیلاجقدر .

۴ — وکالته مربوط یوکسک مکتبلرله ، رصدخانه ، ملی مطبعه ، مدیر ایله اداره اولونان موزه لر و کتبخانه لر ، تاریخ انجمنی کبی مؤسسeler کفای السابق هر خصوصده دوغروودن دوغروییه وکالتله مخبره ده بولونولاجقدر .

۵ — معارف امینلکلرینک سجل ایشلری ، امینک و معیتنک خرجراه و معاش حواله لری معاملات ایله سجل و مأمورین دائره سی علاقه دار اولاجقدر . مفروشات ، قرطاسیه کبی مصارف دائمه سی ایله ایلك تدریسات دائره سی مشغول اولاجقدر .

۶ — والیلردن معارفه متعلق کله جک اولان محررات ایچین ینه ولایت جواب ویریه جکدر . آنجق موضوع بحث اولان مسئله معارف امینک دائره صلاحیتنده ایسه والیره جواب ویریلیرکن بوجهت ده اشارت اولوناجقدر .

۷ — یکی معارف مدیر و مأمورلقلریخی کوستره ن جدولده مربوطدر . اورتا مکتبلر معارف مدیر و مأمورلرینه تابع اولمایوب دوغروودن دوغروییه امینه مربوط بولونمقددر .

بناءً عليه بومكتبلرك سجل و احصائياتہ دائر وقوع بولاجق محابرہلری دوغریجه مکتب ادارهلری وساطتیه یاپیلیر .

۸ — اشبو امرک اوامر دفترینه قیدیلہ مفادینه کوره حرکت ایدلمی مقتضیدر .

۹ — دائرہلر اشبو تبلیغاتی کوردکلرینه و صورتی آلدقلرینه دائر مربوط لیستہنی امضا ایدہ جکلردر .

کیفیت تعمیماً تبلیغ اولونور افندم .

معارف وکیل نامنه مستشار

نافع عطرف

..

ایلاک تدریسات مدیر عمومیلکی

۶۳۴ عمومی

۸۰۵۹ خصوصی

۲۷ ایلول ۱۹۲۶

معارف امینلککنه

تدریسات مجلسلرندن آلدقلری موافقتنامه ایله بولوندقلری ولایتلردن باشقه ولایتلره نقل ایدن معلملر ایچون امینلاک تشکیلاتندن صوکر ا عینی شکلده معاملہ ایفاسنه لزوم یوقدر . بعدما بر منطقه دن دیگر منطقه یه وقوع بولاجق نقل و تحویللر امینلرک موافقتلریله اولاجقدر . تعمیماً تبلیغ کیفیت اولونور افندم . معارف وکیل نامنه

نافع عطرف

..

اورتا تدریسات مدیر عمومیلکی

نومرو

۷۳۵۸

۱۹۲۶/۹/۲۸

معارف امینلککنه

لغو ایدیلن امام و خطیب مکتبلری طلبہ سندن اورتا مکتبلرک برنجی صنفنه قیدایدملک ایستہ یئلرک سنلری نہایت ۱۷ ، ایکنجی صنفه داخل اولق ایستہ یئلرک ۱۸ ، اوچنجی

صنفه قیدایدملک آرزوایدنلرک ۱۹ ، اولورسه امتحانله قبوللری داهافضله یاشای اولانلرکده آنجق معلم مکتبلرینه بالامتحن نهاری اولارق دواملری مناسب کورولمشدر .

معارف وکیل نامنه

مستشار

نافع عطفوف

قلم مخصوص مدیریتی

۱۸۵ خصوصی

۲۸ ایلول ۱۹۲۶

دائرهلره

۱. — بوکوندن اعتباراً مورود اوراق ۱۱ ساعت و ۱۵ ساعت ده اولق اوزره دائرهلره ایکی دفعهده توزیع ایدیلهجک و سوق اولوناجق اوراقده دائرهلردن ۱۵،۳۰ ساعت ه قادار اوراق قلمنه ویریله بیله جکدر .

۲. — تلغرافلر بوقیددن مستثادر .

۳. — ۱۵،۳۰ دن صوکره سوق اولونق اوزره تودیعی ایجاب ایدن مستعجل اوراق حقنده مقام وکالتدن امر مخصوص استحصال اولوناجقدر .

تعمیماً تبلیغ اولونور افندم .

معارف وکیل

مصطفی بحانی

..

۱۹۲۶-۹-۲۹

تعلیم و تربیه دائره سی

۱۸۲۵ خصوصی

معارف

۱. — مطبعه عامرهده باصیلان کتابلر شمیدیلک دوغروندن دوغرویه مذکور مطبعهیه سپارش ایدیله بیلیر .

۲. — سپارش ایدیلن کتابلرک فاطوره سی واصل اولدقدن نهایت یکرمی کون طرفنده یدلنک تسویه ایدیلمی لازمدر . مکتب کتابلری بودجهده محرر یکرمی بش بیک لیرالق

سرمایه متداوله ایله باصیلمقدمه اولدیغندن کتابلرک طبعنده دوام ایدیله بیللمسی ایچون مذکور
سرمایه نك سرعتله نقده تحویلی لازم کلمکده در . بو اعتبارله بالعموم معارف و مکتب
اداره لرینک اعظمی سرعتله کتاب بدلارینی کوندرمه که چالیشمالرینی رجا ایدرم .
۳ — مطبعه عامره یکریمی کون ظرفنده کوندریلن کتابلرک بدلنی یوللامایان اداره یی
در حال بیلدیره جکدر . بو خصوصده تکاسل کوسترمک و کالتک مکتب کتابلرینی طبع
خصوصنده در عهده ایتدیکی وظیفه یی اشکال ایتیش اوله جقدر افندم .

معارف و کبلی

مصطفی بولی

..

۳۰ ایلول ۱۹۲۶

قلم مخصوص مدیریتی

۳۵۰ خصوصی

دائرة لره

۶۰ نومرو و ۴-۳-۱۲۶ تاریخی تذکره ایله دوائرہ تعمیماً تبلیغ اولونان تعلیماتنامه نك
برنجی ماده سنه توفیقاً ۲ تشرین اول ۱۹۲۶ جمعه ایرتسی کونندن اعتباراً صباحلری
۹۳۰ ده مساعی باشلا یاجق اون ایکیدن اون اوچ بچغه قدر یمک تعطیلی یاپیلاجق
و آقشام ساعت ۱۷ ده مساعی به نهایت وریله جکدر .
تعمیماً تبلیغ اولونور افندم .

معارف و کبلی نامه

نافع عطف



اسمى	سابر وظيفه سى
رفعت عثمان بك	ادرنه قيز معلم مکتبی طیب وکیلی
» صدیق سامی	»
» منیر	دارالفنون حقوق فا کولتہ سى مدرسہ سکی
» اورخان	روبرت قولز تورکچہ معلمی
» جمال	چمتو شرکتی ریاستی
» بہجت	ادبیات فا کولتہ سى مدرسہ سکی
» فاضل	مالیہ معلمکی
» کمال	رصدخانہ مفتشکی
» حامد	» ستاژیہ ری
» عثمان نجیب	»
» محمد	»
» مدحت	یوکسک معلم مکتبی داخلہ ماموری
» منیر	آنقرہ ارکک معلم مکتبی حساب مأمورانی
» سالم	حرث دائرہ سى دوسیہ مأمورانی
» وصفی	»
» شریف	طربرزون لیسه سى ریاضی معلمی
» شوکت ثریا	»
» محمود کمال	اوردو اورتہ مکتب مدیرتی
» ساجد نجاتی	»
» جمال	بکقوز شہریاتی مکتبی مدیرتی
» جلال فردی	استانبول لیسه سى مدیر ثانیلیکی
» توفیقی	» معاونی
» یوسف زاهر	»

معاشی	تعیین اہل دہلی مأموریت
۴۰۰۰ اجرت مقطوعہ	ادرنہ قیز معلم مکتبی طیبیدکنہ اصالة
۳۰۰۰ معاش	مکتب ملکیہ حقوق دول معلمی
» ۳۵۰۰	مکتب ملکیہ اقتصاد اجتماعی زراعی و ممالک اقتصادیہ تاریخی معلمی
» ۳۵۰۰	مکتب ملکیہ فرانسیزجہ مخبرات دیپلوماتیکہ معلمی
» ۱۲۰۰	مکتب ملکیہ - سیاسیات اقتصادیہ و تجارت معاہداتی و کمرک قوانینی معلمی
» ۱۲۰۰	دارلفنون تورکیہ تاریخ سیاسی معلمی
» ۱۲۰۰	مکتب ملکیہ مقایسہ لی قوانین مالیہ و استقراضات معلمی
» ۳۵۰۰	رصدخانہ فیزیق ارضی معاونی
» ۲۰۰۰	» برنجی ملازمی
» ۱۵۰۰	» ایکسچی صنف ملازمی
» ۱۰۰۰	» مستحضر لغتہ
» ۱۵۰۰	یو کسک معلم مکتبی کتب خانہ مأمورانی
» ۲۰۰۰	آٹنہ شہریاتی مکتبی حساب مأمور و کتابی
» ۲۵۰۰	عبدالله بکدن منحل ایلاک تدریسات ممیزلی
» ۳۰۰۰	ازمیر ارکک لیسہ سی دو قنورانی
» ۵۰۰۰	طر بزون لیسہ سی مدیری
» ۱۵۰۰	استانبول لیسہ سی برنجی صنف معاونی
» و ۳۰۰۰ اجرتہ	۳۲۵۰ توقاد اورتہ مکتب مدیریتی و معلومات وطنیہ معلمی
» و تاریخ جوغرافیہ و ۳۰۰۰ اجرتہ	۳۷۵۰ یوزغاد اورتہ مکتبی مدیریتی و علاوہ تاریخ جغرافیہ معلمی
» و ۳۰۰۰ اجرتہ	۴۷۵۰ اوردو اورتہ مکتب مدیریتی
» ۶۰۰۰	استانبول ارکک لیسہ سی مدیریتی
» ۲۵۰۰	» » » مدیر ثانیلی
» ۱۵۰۰	استانبول سلیم آغا کتب خانہ سی مأمور لغتہ

ردیف	شرح	مبلغ
۱
۲
۳
۴
۵
۶
۷
۸
۹
۱۰
۱۱
۱۲
۱۳
۱۴
۱۵
۱۶
۱۷
۱۸
۱۹
۲۰
۲۱
۲۲
۲۳
۲۴
۲۵
۲۶
۲۷
۲۸
۲۹
۳۰
۳۱
۳۲
۳۳
۳۴
۳۵
۳۶
۳۷
۳۸
۳۹
۴۰
۴۱
۴۲
۴۳
۴۴
۴۵
۴۶
۴۷
۴۸
۴۹
۵۰

انجمه قرارلری

۱ ایلول ۹۲۶ تاریخندن ۳۰ ایلوله قدر مدیران انجمنجه اتخاذا اولنان

قرار صورتلری

قرار نومردسی : ۴۲۹

موضوعه :

جوجوق دوغوران قادین
معلملر حقنده

هیئت تعلیمیه آراسنده وضع حمل ایدن معلملر حقنده اورتا تدریسات مدیر عمومیلکنک ۲۶/۷/۱۱ تاریخ و ۵۱۴۲ نومرولو مذکره سیله حفظالصحه مدیریتک بو خصوصده کی ۲۶/۸/۲۱ تاریخ و ۹۲ نومرولو مطالعه نامه سی اوقوناراق آشاغیده کی قرار اتخاذا ایدلمشدر. حال طبعیده سیر ایدن دوغوم وقایعنده دوغورمازدن اول استراحت احتیاج فنی اولمایوب بر آی اول کیجه نوبتلرندن عفو ایدلمه سی ، یالکیز بعض اختلاطات وقوعنده و أزجمله التهاب کلیه وقایعنده استراحت و تدایوی به لزوم کورولورسه - بو کی وقایع نادر اولدیغندن - طیب راپوری اولدقجه مأذونیت ویرلمه سی حفظالصحه دائره سی مدیرلکنک مطالعه سندن آکلاشیلیمشدر . بناءً علیه ، وضع حمل ایتمزدن اول مأذونیت ایسته ینلره طیب راپوری اولدقجه مأذونیت ویرلمه سی . شو قادار که بر آی اول کیجه نوبتلرندن عفو و دوغوردققدنصوکراده بر آی مأذونیت ویرلمکه برابر آلتی آیده کیجه نوبتلرندن معاف طوتولمالری ضمنتده اوراقک اورتا تدریسات مدیر عمومیلکنه تودیعی تذکر اولوندی.

۱۹۲۶/۹/۸

..

قرار نومردسی : ۴۳۴

موضوعه : معلم معاونلرینک اهلیتنامه امتحانلرینک
نره لرده یایله جفی حقنده

ایلك مكتب معلم معاونلرینک اهلیتنامه امتحانلرینک هانکی مؤسسسه لرده یایلا جفک تقریرینه دائر ایلك تدریسات مدیر عمومیلکنک ۲۶/۸/۲۲ تاریخ و ۷۰۹ نومرولو مذکره سی اوقوندی .

معلم معاونلرینک اهلیتنامه امتحانلرینک معلم مکتبلرنده اجرایی و اهلیتنامه لری

مذکور مکتبلردن اعطائی لزومنک معارف مدیر لکترینه تعمیمی ضمننده اورا قک ایلک
تدریسات مدیر عمومیلکنه تودیفی تذکر ایدلدی .
۹۲۶/۹/۷

قرار نومرسی : ۴۳۸

موضوع : خسته لقلری دولایسینه مآذونیت آلا جق

معلملرک راپورلرینک تدقیق وتصدیق حقنده

دوغرودن دوغرویه وکالت جلیلهیه مربوط معلم مکتبلریله لیسه واورتا مکتبلر هیئت
تعلیمیه واداره سندن خسته لقلری دولایسینه مآذونیت طلبنده بولونا جقلرک مکتب دو قورلرندن
آلا جقلری راپورلرک محلیجه بر هیئت فحیه طرفندن تدقیقنه لزوم کورولمه دیکسندن دوغرودن
دوغرویه حفظ الصحه دائره سنجه تدقیق اولونماسی خصوصنک برقراره ربطنه دائر مذکور
دائرہ مدیر لکنک انجمنمزه محول ۹۲۶/۸/۱۲ تاریخلی ونومروسز مذکره سی اوقوندی :
حفظ الصحه دائره سنک احداثدن اول مکتب طیبیه دیکر بر طیبیدن آلا جق راپورلرک
ولایتلرده صحیه مدیر لرینک وقضالرده حکومت ویابلدییه طیبیلرینک تصدیقنه تابع طوتولماسی
قرار لاشدیریلشدی . اخیراً حفظ الصحه دائره سنک احداث اولونماسی حسیله یالطبع بوکا
لزوم قالمامشدر . بوندن صوراً دوغرودن دوغرویه وکالت مربوط مکاتب ومؤسساتک معلم
و مأمورلرندن مآذونیت و سائرہ ایچون راپور ابراز ایتمک مجبوریتنده بولونانلرک مکتب
دو قورلرندن آلا جقلری راپورلرک حفظ الصحه دائره سنجه تدقیق ایدلمک اوزره وکالت ارسالی
ومکتب طیبی بولونمایان اورتا مکتبلرله معارف مدیر لکترینه مربوط مکتب ومؤسسات
معلملری حقنده ۹۲۶/۴/۲۷ تاریخ و ۲۱/۲ نومرولو قرار احکامنک تطبیقی لزومنک تعمیمی
ضمننده ایلک واورتا تدریسات مدیر لکترینه تودیفی قرار کیر اولدی .
۱۹۲۶/۹/۷

قرار نومرسی : ۴۵۲

موضوع : مجبوری خدمتی پتیرمه دن یوکسک مکتبلره

کیرمش معلم مکتبی مآذونلری حقنده

مجبوری خدمتلرینی ایفا ایتمه دن دارالفنونه ومکاتب عالییه کیرمش بولنان معلم مکتبلری
مآذونلرینک حال حاضرده صوک صنفلرده بولونانلردن ماعداسنک یابو مکتبلری ترک ایدمه رک
خدمت مجبورلرینی ایفایه سوق ویا کندیلرندن تضمینات طلب ایدلمه سی حقنده وکالت
جلیله دن محول ۹۲۶/۹/۲۲ و ۳۰۹ نومرولو مذکره اوقوندی .
معارف تشکیلاتنه دائر قانونک سکرنجی و دارالمعلمین نظامنامه سنک اوتوز بشنجی

ماده‌لری موجب‌نجه هر نه‌قادر معلم مکتبی مأذون‌لرینک خدمت مجبوره‌لرینی ایفا ایتمه‌دن مسلك تعلیم‌دن آیریلما‌لری اقتضا ایتمکده ایسه‌ده شیمدی‌یه‌قادر دارالفنون ویا یوکسک مکتبلره کیرمش بولنانلرک هر هانکی صنفده اولورسه اولسون مکتبلریله علاقه‌لرینک قطعی و خدمت مکلفه‌لرینی ایفایه مجبور طوتولمالری مغدوریتلرینی موجب اولاجنی کبی مملکتده‌ده یوکسک تحصیل کورمش بر قاج کشی ضایع ایتمش بولونا جقدر. بناءً علیه یوکیلرک هم مغدوریتلرینه محل بیر اقلیماسی و همده یوکسک تحصیللرینی بعدالاکال خدمت مجبوره‌لرینی ایفایه دعوت ایدیلرک کافی درجه‌ده تعلیم عنصرلری بولونما‌دیغی بر زمانده اورتا تدریسات معلمی قازانیلماسی تأمل اولوناراق دارالفنون‌ی اکال ایتدکدنصو کرا خدمت مجبوره‌لرینی اتفاد و اکال ایتمک شرطیله دارالفنونه دواملرینه مساعدده ایدلمه‌سنک تصویب و کالتپناهی‌یه عرضی تذکر قیلنمیشدر.

۱۹۲۶/۹/۳۰

..

قرار نومردسی : ۴۵۳

مخصوصه :

معلم مکتبی طلبه‌سندن آلینان

تعهد سندلری حقنده

یوکسک معلم مکتبلری طلبه‌سندن آلینان تعهد سندلری حقنده مدیرلر انجمننجه متخذ ۹۲۶/۹/۸ تاریخ و ۴۱/۹ نومرولو قرارک قانونه کوره تعدیلی حقنده یوکسک تدریسات مدیرلکنک انجمنزه محوی ۱۴/۹/۹۲۶ تاریخ و ۹۲۶ نومرولو مذکره‌سی اوقوناراق آشاغیده‌کی قرار اتخاذایدلشد.

معارف تشکیلاتنه دائر قانونک نشرندن اول ترک تحصیل ایدنلرله مأذون اولدقدن صوکره تعهدینی ایفا ایلمه‌ینلردن- قانونک ماقبلنه تشمیل ایدلمه‌سی قضیه اساسیه‌سنه نظرآ- تعهد سندلری موجب‌نجه تضمینات آلینماسنه قرار ویریش ایسه‌ده قانونک « معلم مکتبلری طلبه‌سندن تحصیلی ایسته‌کیله بیراقانلرله معلم مکتبلرندن شیمدی‌یه‌قادر جیقمش بولنانلر » دییه محرر سکزنجه ماده‌سی قانونک نشرندن اول ترک تحصیل ایدن ویا تعهدینی ایفا ایلمه‌ینلرکده عینی احکامه تابع طوتولماسنی مطلق قیلمش اولماسنه بناءً کرک قانونک نشرندن اول ترک کرکه مکتبدن ویا مجبور اولدیغی خدمت مکلفه‌ینی اتمام ایتمه‌دن مسلکندن آیریلانلر حقنده مذکور ماده احکامنک تطبیقی واوراقک یوکسک تدریسات مدیرلکنه تودیبی تذکر اولوندی.

۱۹۲۶/۹/۳۰



~~1938-A~~
~~91/1~~

P. 17/1

معارف وکالتی

تبلیغات مجموعه‌سی

تاریخ
۱۵ تشرین ثانی ۱۹۲۶

صافی
۱۰

مندرجات

اجرا و کیدلری هیئتی قرارلری
تعلیماتنامہ لری
تعمیلری
انجمنہ قرارلری
تعمیلری

معارف وکالتی نامنه ملی تعلیم و تربیه هیئتی نشریات شعبه‌سنجه ترتیب و نشر اولونشدر .
تشرین اول ۱۹۲۶ آبی ظرفنده تعمیم اولونان تعلیماتنامہ و تعمیلری محتویدر .

استانبول — ملی مطبعه

۱۹۲۷